

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-17-Z/26
Kakanj, 30.04.2026. godine

Z A P I S N I K
sa 17. redovne sjednice Općinskog vijeća održane 30.04.2026. godine (četvrtak)
u sali Općinskog vijeća sa početkom u 09:00 sati
(sažetak zapisnika)

Predsjedavajući Općinskog vijeća Slaven Katičić je pozdravio prisutne i otvorio 17. redovnu sjednicu Općinskog vijeća.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Hamza Vahid El-Din, Amel Kusić, Dženan Ajdinović, Edin Čatić, Ilhana Alajbegović, Mustafa Subašić, Ilda Arnautović, Tarik Hodžić (naknadno pristupio) i Izudin Hrusto (naknadno pristupio) (**SDA**)

Mensur Čehajić, Senad Softić, Adem Bećirhodžić, Edin Šljivo, Irna Imamović i Vinka Aletović (naknadno pristupila) (**SDP BiH**)

Adnan Demir, Mensur Bliznović i Mirnes Pipo (**NV**)

Dževdet Huskić i Branko Češljic (**NS**)

Fahrudin Buza i Mirsad Tursum (naknadno pristupio) (**NiP**)

Mirela Kubura i Nermana Mehić (**SN**)

Rešad Merdić (**S BiH**)

Slaven Katičić (**HDZ BiH**)

Armin Bašić (**DF**)

Mujo Fafulić (**nacionalne manjine**)

Odsutni vijećnici: Sanda Hasagić-Terzić (**SDA**) i Sanel Šabanović (**SDP**).

Predsjedavajući je konstatovao da je na sjednici u momentu prijave prisutno 24 vijećnika i vijećnice, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Emir Zaimović, sekretar Općinskog vijeća

Ramiz Hasić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Edin Aliefendić, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Mukades Delibašić, pomoćnik općinskog načelnika za imovinskopravne, geodetske poslove i katastar nekretnina

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Nurudin Hrusto, pomoćnik općinskog načelnika za civilnu zaštitu
Izudin Puščul, direktor Zavoda za planiranje i izgradnju Općine Kakanj
Haris Veispahić, savjetnik općinskog načelnika

Izjave, obrađivači, gosti

Harisa Muratović, direktorica JU Centar za socijalni rad Kakanj
Milijana Terzić, direktorica JU „Gradska biblioteka“ Kakanj
Erna Veispahić, članica UO JU „Gradska biblioteka“ Kakanj
Kenan Zaimović, komandir Policijske stanice Kakanj

Predstavnici medija

NTV IC Kakanj
Radio Kakanj

Napomene o radu Kolegija Općinskog vijeća

Predsjedavajući je napomenuo da je u pripremi 17. redovne sjednice Općinskog vijeća, Kolegij održao sjednicu dana 20.04.2026. godine i razmatrao pristigle predstavke, prijedloge i inicijative, te je po istima zauzeo stavove i prosljedio ih nadležnim službama i organima na daljnje postupanje.

Usvajanje zapisnika sa 16. redovne sjednice Općinskog vijeća

Nije bilo primjedbi na zapisnik i isti je usvojen sa 24 glasa ZA, 1 glas PROTIV, bez glasova UZDRŽAN.

Komentari na dostavljene odgovore na vijećnička pitanja

Dževdet Huskić: se osvrnuo na odgovor JP „Energokom“ na pitanje oko broja telefonskih pritužbi na uslugu isporuke toplotne energije od strane korisnika u toku dosadašnjeg dijela sezone grijanja. Rekao je da je simptomatično da to JP ne smatra žalbe građana, prijavljene telefonskim putem, pouzdanim mjerilom stanja isporuke toplotne energije. Još je rekao da ga žalosti činjenica da JP „Energokom“ nema ni malo samokritičnosti, ako je poznato kakva je situacija sa grijanjem bila tokom sezone, pogotovo u januaru mjesecu.

Komentari na dostavljena mišljenja na vijećničke inicijative

Nije bilo komentara.

Vijećnička pitanja

Dževdet Huskić: je postavio dva vijećnička pitanja. Prvo pitanje je da li je ikada urađena inspekcija, odnosno pregled ispravnosti kanalizacionog cjevovoda od naselja Zgošća do rijeke Bosne i kakav je rezultat pregleda? Istakao je da već duži niz godina rijeka Zgošća u ljetnom periodu smrdi. Intenzitet bude slabiji ili jači, a u sušnom periodu smrad bude nepodnošljiv, te su zdravstveni rizici veliki. Pitao je da li rukovodstvo JP „Vodokom“ d.o.o. Kakanj ima informaciju o navedenom i da li je išta poduzeto po tom pitanju. Podsjetio je da je sanitarna inspekcija 25.06.2025. godine, izdala Rješenje kojim se naređuje detaljan pregled i sanacija puknuća. Drugo pitanje je da li su poduzeti koraci i koji u vezi sa inicijativom građana o proglašenju prostora oko sela Mioči zaštićenim područjem izmjenama Prostornog plana Općine Kakanj?“

Hamza Vahid El-Din: je postavio dva vijećnička pitanja. Prvo pitanje je koje su aktivnosti poduzete na poboljšanju kvaliteta signala mobilne mreže i interneta u naselju Desetnik u MZ Dumanac? Napomenuo je da je prethodno podnosio vijećničku inicijativu za poboljšanje kvaliteta signala na navedenom području, te je u odgovoru navedeno da će se pokrenuti aktivnosti na iznalaženju rješenja. Međutim, prema informacijama koje ima, nije došlo do poboljšanja, pa je apelovao da se hitno poduzmu aktivnosti na rješavanju problema. Drugo pitanje je kakvo je stanje sa videonadzorom u Kakanju? Prema informacijama kojima raspolaže isti je u prekidu i nakon što je Općina sa MUP-om ZDK uložila značajna sredstva i Policijskoj stanici u Kakanju dala isti na upravljanje i korištenje. Pozvao je nadležno ministarstvo da što prije izdvoji sredstva da bi se osposobilo puno funkcionisanje sistema videonadzora radi sigurnosti građana, te kako bi službenicima u Policijskoj stanici Kakanj olakšali posao.

Predsjedavajući je konstatovao da su vijećnici Senad Softić i Amel Kusić postavili vijećničko pitanje bez korištenja govornice.

Senad Softić: je postavio dva vijećnička pitanja. Prvo pitanje je da li u važećem Urbanističkom planu Općine Kakanj postoji predviđena lokacija, odnosno plansko opredjeljenje za formiranje i razvoj poduzetničke ili industrijske zone? Pitanje je postavio uzimajući u obzir činjenicu da Kakanj u posljednje vrijeme bilježi odlazak ili najavu odlaska pojedinih značajnih privatnih privrednih subjekata (npr. „Delibašić Poliuretani“). Smatra da bi postojanje planski uređene poduzetničke zone predstavljalo važan korak ka zadržavanju postojećih privrednih subjekata, privlačenju novih investicija i otvaranju novih radnih mjesta u Kakanju. Drugo pitanje je koliko mjesnih zajednica na području općine Kakanj raspolaže prostorijama za rad, u kakvom su stanju te prostorije i da li postoji plan (projekat) za njihovu sanaciju ili izgradnju novih?

Amel Kusić: je postavio vijećničko pitanje šta su konkretni razlozi zbog kojih vodovodni sistem u MZ Bijeke Vode još uvijek nije pušten u funkciju, te kada se može očetivati njegovo konačno puštanje u rad? Napomenuo je da je vodovodni sistem u MZ Bijeke Vode završen 2019. godine, pri čemu je realizovana izgradnja crpne stanice, potisnog i povratnog cjevovoda, a u drugoj fazi i rezervoara. Međutim, uprkos završenim radovima vodovod do danas nije pušten u funkciju, dok se mještani MZ Bijeke Vode već godinama suočavaju sa ozbiljnim nedostatkom pitke vode.

Vijećničke inicijative

Dževdet Huskić: je pokrenuo vijećničku inicijativu da se prostor ispred pošte nazove „Trg Bergamo“. Inicijativu je podnio iz razloga što smatra da treba iskazati zahvalnost građanima i građankama pokrajine i grada Bergamo – Italija za pomoć Kakanju koju su pružili u periodu 1994-2001, prvo kroz aktivnosti Komiteta Bergamo, a onda kroz pomoć Grada Bergamo koja se ogleda u mnogim infrastrukturnim i drugim društveno korisnim projektima (most u Haljinićima na putu Haljinići-Seoce, izgradnja vodovoda u Gornjem Banjevcu i Ivnici, obnovi školskih objekata u Velikim Trnovcima, Bištranima i Kraljevoj Sutjesci, pomoći u izgradnji kuća za povratnike, pomoć pri organizaciji obdaništa u školama u Doboju i Tršću).

Vinka Aletović: je pokrenula vijećničku inicijativu da se postave rasvjetna tijela u naselju Bare, u ulici 1.maj, prema Plandištu. Na pomenutoj lokaciji već postoje četiri stuba, ali bez rasvjetnih tijela što u večernjim i noćnim satima stvara otežane uslove za kretanje vozila i pješaka.

Hamza Vahid El-Din: je pokrenuo vijećničku inicijativu da se pokrene postupak oduzimanja Petnaestoaprilskog priznanja – Zahvalnice, dodijeljenog Milenku (Jove) Srdiću, koje je Općinsko vijeće dodijelilo Odlukom o dodjeli Petnaestoaprilskih priznanja 2024. godine, a radi javno iznesenih stavova i izjava koje su u suprotnosti sa vrijednostima zbog kojih mu je priznanje i dodijeljeno. Naglasio je da inicijativa nije usmjerena protiv bilo kojeg pojedinca kao građanina, već je izraz odgovornosti prema vrijednostima koje zajednica mora štiti (istina, dostojanstvo žrtava i međusobno poštovanje). Uz to je također istakao da važeća Odluka o dodjeli Petnaestoaprilskih priznanja ne sadrži odredbe koje regulišu mogućnost oduzimanja već dodijeljenog priznanja, a trenutno postoji situacija koja jasno ukazuje na potrebu normiranja tog pitanja. S toga je pokrenuo inicijativu za izradu i donošenje odluke o izmjenama i dopunama Odluke o dodjeli Petnaestoaprilskih priznanja kako bi se uspostavio jasan, transparentan i pravno utemeljen okvir i osnov za oduzimanje dodjeljenih općinskih priznanja, dodatno zaštitio ugled Općine Kakanj i značaj javnih priznanja, te osigurao transparentan i pravičan postupak odlučivanja.

Adnan Demir: je pokrenuo vijećničku inicijativu za izmjene i dopune Odluke o dodjeli Petnaestoaprilskih priznanja na način da se u članu 3. doda novi stav (2) koji glasi: „Petnaestoaprilska priznanja se ne mogu dodijeliti nosiocima javnih funkcija u zakonodavnoj i izvršnoj vlasti na svim nivoima vlasti u Bosni i Hercegovini za vrijeme trajanja njihovog mandata.“ Inicijativu je podnio iz razloga što smatra da dodjela javnih priznanja licima koja istovremeno obnašaju funkcije vlasti stvara percepciju političke pristrasnosti, čime se priznanja udaljavaju od svoje osnovne svrhe da budu odraz društvenog priznanja za izuzetne doprinose zajednici. Istakao je da predložena izmjena Odluke ne dovodi u pitanje individualne zasluge nijednog pojedinca, već uspostavlja principijelan i sistematski standard kojim se štiti integritet institucija, jača povjerenje građana i osigurava da općinska priznanja zadrže svoj stvarni društveni značaj.

Predsjedavajući je konstatovao da su vijećnici Amel Kusić i Irna Imamović podnijeli vijećničke inicijative bez korištenja govornice.

Amel Kusić: je pokrenuo vijećničku inicijativu da se postavi dodatni stub javne rasvjete u ulici V divizije NOP-a u MZ Varda, na dionici od parcele u vlasništvu Hasiba Spahića do parcele Midhata Škulja. Na navedenoj lokaciji je evidentan prevelik raspon između postojećih stubova javne rasvjete, što za posljedicu ima istegnuće kabla javne rasvjete. Kabal se trenutno nalazi na visini koja je na najnižoj tački u desegu dohvata pješaka i djece. Traži da se realizaciji inicijative pristupi hitno imajući u vidu potencijalnu opasnost.

Irna Imamović: je pokrenula dvije vijećničke inicijative. Prva inicijativa je da se izvrši hitna provjera stanja i poduzmu mjere na sanaciji podvožnjaka u MZ Doboj, ispod dionice autoputa Kakanj – Sarajevo s ciljem njegovog stavljanja u funkcionalno i sigurno stanje za korištenje. Podvožnjak već duži vremenski period nije u funkciji, naročito u vrijeme padavina i nepovoljnih vremenskih prilika kad je pun vode, a istovremeno predstavlja važnu komunikaciju za lokalno stanovništvo uključujući mještane naselja Banjevac i Koprivnica, naročito djecu koja svakodnevno koriste taj pravac na putu do škole, zbog čega su prinuđeni koristiti alternativne pravce (oko 1km duže) da bi prešli na drugu stranu puta. Druga inicijativa je da se na pružnom prelazu na relaciji Kakanj – Sarajevo u MZ Doboj hitno poduzmu mjere dodatnog osiguranja prelaza, uključujući postavljanje svjetlosne signalizacije (semafora) i rampe. Predmetni prelaz je vrlo frekventan i svakodnevno ga koristi veliki broj mještana naselja Doboj, Banjevac, Koprivnica i Hrasnica, a naročito djece na putu do škole. Trenutno na pružnom prelazu ne postoje adekvatne mjere zaštite, osim saobraćajnog znaka što nije dovoljno imajući u vidu frekvenciju saobraćaja i pješaka.

Utvrđivanje dnevnog reda

Prijedlog dnevnog reda je usaglašen na sjednici Kolegija 20.04.2026.godine, te je predsjedavajući za sjednicu predložio dnevni red po pozivu za 17. redovnu sjednicu. Na zahtjev predlagачa, povučen je Izvještaj o finansijskom poslovanju JU za predškolski odgoj i obrazovanje „Mladost“ Kakanj za 2025. godinu. Vijeće je raspravljalo o ukupno 13 tačaka dnevnog reda.

U diskusiji o dnevnom redu nije niko učestvovao i Vijeće je usvojilo dnevni red jednoglasno sa 28 glasova ZA.

Usvojeni dnevni red

1. Prijedlog odluke o izmjenama i dopunama Budžeta Općine Kakanj za 2026. godinu
2. Izvještaj o dugu i zaduživanju Općine Kakanj za I kvartal 2026. godine
3. Izvještaj o izvršenju Budžeta Općine Kakanj za 2025. godinu
4. Izvještaj o utrošku sredstava tekuće budžetske rezerve za 2025. godinu
5. Prijedlog odluke o izmjeni i dopuni Odluke o utvrđivanju kriterija, načina obračuna, postupka dodjele, potrebne dokumentacije i obaveza korisnika finansijske podrške za obavljanje djelatnosti od društvene koristi – javni prijevoz putnika za 2026. godinu
6. Godišnji izvještaj o radu Općine Kakanj za 2025. godinu
7. Izvještaj o radu JU „Gradska biblioteka“ Kakanj sa finansijskim izvještajem za 2025. godinu
8. Izvještaj o radu JU Centar za socijalni rad Kakanj sa finansijskim izvještajem za 2025. godinu
9. Plan i program rada JU Centar za socijalni rad Kakanj sa finansijskim planom za 2026. godinu
10. Informacija o stanju sigurnosti na području Policijske stanice Kakanj za 2025. godinu
11. Davanje saglasnosti na Odluku Skupštine JP „Vodokom“ d.o.o. Kakanj o kalkulaciji troškova transporta komunalnog otpada iz udaljenih mjesnih zajednica
12. Prijedlog rješenja o utvrđivanju prava vlasništva u korist Ćamila Redže
13. Prijedlog rješenja o utvrđivanju prava vlasništva u korist Refika Kovača

Tačka 1.

Prijedlog odluke o izmjenama i dopunama Budžeta Općine Kakanj za 2026. godinu

Predlagач: Općinski načelnik

Obradivač: Služba za finansije

Izjestilac: Ramiz Hasić, pomoćnik općinskog načelnika

U diskusiji nije niko učestvovao i Vijeće je usvojilo Odluku o izmjenama i dopunama Budžeta Općine Kakanj za 2026. godinu, sa 22 glasa ZA, bez glasova PROTIV i 5 glasova UZDRŽAN.

Tačka 2.

Izvještaj o dugu i zaduživanju Općine Kakanj za I kvartal 2026. godine

Predlagač: Općinski načelnik

Obrađivač: Služba za finansije

Izjestilac: Ramiz Hasić, pomoćnik općinskog načelnika

U diskusiji je učestvovao Hamza Vahid El-Din.

Hamza Vahid El-Din: je rekao da se ne može mnogo općina i gradova pohvaliti ovakvim izvještajima, te čestitao općinskom načelniku i administraciji na ostvarenom bilansu.

Nakon diskusije Vijeće je usvojilo Zaključak o prihvatanju Izvještaja o dugu i zaduživanju Općine Kakanj za I kvartal 2026. godine, jednoglasno sa 26 glasova ZA.

Tačka 3.

Izvještaj o izvršenju Budžeta Općine Kakanj za 2025. godinu

Tačka 4.

Izvještaj o utrošku sredstava tekuće budžetske rezerve za 2025. godinu

Predlagač: Općinski načelnik

Obrađivač: Služba za finansije

Izjestilac: Ramiz Hasić, pomoćnik općinskog načelnika

Vijeće je vodilo objedinjenu diskusiju o ovim dvjema tačkama.

U diskusiji nije niko učestvovao i Vijeće je usvojilo Zaključak o prihvatanju Izvještaja o izvršenju Budžeta Općine Kakanj za 2025. godinu, sa 22 glasa ZA, bez glasova PROTIV i 5 glasova UZDRŽAN, te Zaključak o prihvatanju Izvještaja o izvršenju tekuće budžetske rezerve za 2025. godinu, sa 22 glasa ZA, 1 glas PROTIV i 4 glasa UZDRŽAN.

Tačka 5.

Prijedlog odluke o izmjeni i dopuni Odluke o utvrđivanju kriterija, načina obračuna, postupka dodjele, potrebne dokumentacije i obaveza korisnika finansijske podrške za obavljanje djelatnosti od društvene koristi – javni prijevoz putnika za 2026. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Odluku o izmjeni i dopuni Odluke o utvrđivanju kriterija, načina obračuna, postupka dodjele, potrebne dokumentacije i obaveza korisnika finansijske podrške za obavljanje djelatnosti od društvene koristi – javni prijevoz putnika za 2026. godinu, jednoglasno sa 26 glasova ZA.

Tačka 6.

Godišnji izvještaj o radu Općine Kakanj za 2025. godinu

Predlagač: Općinski načelnik

Obrađivač: Stručna služba za poslove Općinskog načelnika

Izjestilac: Mirnes Bajtarević, općinski načelnik

U diskusiji nije niko učestvovao i Vijeće je donijelo Odluku o usvajanju Godišnjeg izvještaja o radu Općine Kakanj za 2025. godinu, sa 21 glasom ZA, bez glasova PROTIV i 6 glasova UZDRŽAN.

Tačka 7.

Izvještaj o radu JU „Gradska biblioteka“ Kakanj sa finansijskim izvještajem za 2025. godinu

Predlagač: UO JU „Gradska biblioteka“ Kakanj

Obrađivač: UO JU „Gradska biblioteka“ Kakanj

Izjestilac: Milijana Terzić, direktorica JU „Gradska biblioteka“ Kakanj

U diskusiji nije niko učestvovao i Vijeće je usvojilo Zaključak o prihvatanju Izvještaja o radu JU „Gradska biblioteka“ Kakanj sa finansijskim izvještajem za 2025. godinu, jednoglasno sa 26 glasova ZA.

Tačka 8.

Izvještaj o radu JU Centar za socijalni rad Kakanj sa finansijskim izvještajem za 2025. godinu

Tačka 9.

Plan i program rada JU Centar za socijalni rad Kakanj sa finansijskim planom za 2026. godinu

Predlagač: UO JU Centar za socijalni rad Kakanj

Obrađivač: UO JU Centar za socijalni rad Kakanj

Izjestilac: Harisa Muratović, direktorica JU Centar za socijalni rad Kakanj

Vijeće je vodilo objedinjenu diskusiju o ovim dvjema tačkama.

U diskusiji su učestvovali: Irna Imamović, Dževdet Huskić i Mirnes Pipo.

Irna Imamović: je istakla da je pozitivno što se povećao broj korisnika dječijeg doplatka, a isto tako, za pohvalu je što se u toku 2025. godine pružio ovoliki broj usluga socijalne pomoći za korisnike (oko 7.000) što govori o velikom angažmanu uposlenika. Raduje i činjenica da je još petero djece našlo hraniteljsku porodicu, što samo potvrđuje posvećenost i direktorice i uposlenika, te značaj ove ustanove za lokalnu zajednicu.

Dževdet Huskić: je rekao da se iz Izvještaja vidi rad i unapređenje usluga ove JU, a da ta činjenica u isto vrijeme i raduje i rastužuje jer daje sliku o velikom broju korisnika ovih usluga kao lica u potrebi. Upitao je da li je tačan podatak da je u JU za predškolski odgoj i obrazovanje „Mladost“ bilo smješteno 21 dijete sa poteškoćama u razvoju, odnosno da li su to zvanične kategorizacije ili su zbog izvještavanja sva djeca stavljena u kategoriju djece sa poteškoćama u razvoju (uključujući tu i npr. slabovidne i sl.).

Mirnes Pipo: se osvrnuo na stranu 12. Plana rada ove JU gdje je navedeno da je, usljed demografskih kretanja i povećanog broja starih lica bez porodičnog staranja, evidentan rast potrebe za ovim oblikom zaštite, što ne potvrđuje i tabela ispod, jer je broj lica u potrebi za ovim vidom zaštite planiran za 2026. godinu mnogo manji u odnosu na prethodne godine (u 2025. godini 140 lica, u 2026. godini planirano 20 lica). Rekao je da je identično i na strani 19. gdje se u 2026. godini planira 50 lica koja mogu ostvariti zdravstvenu zaštitu, dok je broj lica u ranijim godinama bio preko 400. Upitao je da li je neka druga ustanova preuzela na sebe obaveze zdravstvenog osiguranja lica u stanju socijalne potrebe i obaveze porodičnog staranja za stara lica ili je nešto drugo u pitanju.

Harisa Muratović: je odgovorila da su sva djeca obuhvaćena kategorizacijom – djeca sa poteškoćama u razvoju, bez obzira na stepen poteškoće. Na pitanja koje je postavio vijećnik Pipo, rekla je da će dati pismeni odgovor, jer trenutno ne raspolaže tačnim informacijama o broju korisnika.

Nakon rasprave Vijeće je usvojilo Zaključak o prihvatanju Izvještaja o radu JU Centar za socijalni rad Kakanj sa finansijskim izvještajem za 2025. godinu, sa 20 glasova ZA, bez glasova PROTIV i 6 glasova UZDRŽAN, te Zaključak o davanju saglasnosti na Plan i program rada JU Centar za socijalni rad Kakanj sa finansijskim planom za 2026. godinu, sa istim brojem glsova.

Uslijedila je pauza od 30' u radu Vijeća na prijedlog Kluba SDP.

Tačka 10.

Informacija o stanju sigurnosti na području Policijske stanice Kakanj za 2025.godinu

Predlagač: Policijska stanica Kakanj

Obrađivač: Policijska stanica Kakanj

Izjestilac: Kenan Zaimović, komandir Policijske stanice Kakanj

U diskusiji nije niko učestvovao i Vijeće je usvojilo Zaključak o primanju k znanju Informacije o stanju sigurnosti na području Policijske stanice Kakanj za 2025. godinu, jednoglasno sa 23 glasa ZA.

Tačka 11.

Davanje saglasnosti na Odluku Skupštine JP „Vodokom“ d.o.o. Kakanj o kalkulaciji troškova transporta komunalnog otpada iz udaljenih mjesnih zajednica

Predlagač: Skupština JP „Vodokom“ d.o.o. Kakanj

Obrađivač: Skupština JP „Vodokom“ d.o.o. Kakanj

U diskusiji nije niko učestvovao i Vijeće je usvojilo Zaključak o davanju saglasnosti na Odluku Skupštine JP „Vodokom“ d.o.o. Kakanj o kalkulaciji troškova transporta komunalnog otpada iz udaljenih mjesnih zajednica, sa 20 glasova ZA, 4 glasa PROTIV, bez glasova UZDRŽAN.

Tačka 12.

Prijedlog rješenja o utvrđivanju prava vlasništva u korist Ćamila Redže

Tačka 13.

Prijedlog rješenja o utvrđivanju prava vlasništva u korist Refika Kovača

Predlagač: Općinski načelnik

Obrađivač: Služba za imovinskopravne, geodetske poslove i katastar nekretnina

Izjavitelj: Mukades Delibašić, pomoćnik općinskog načelnika

Vijeće je vodilo objedinjenu diskusiju o ovim dvjema tačkama.

U diskusiji nije niko učestvovao i Vijeće je usvojilo Rješenje o utvrđivanju prava vlasništva u korist Ćamila Redže, sa 22 glasa ZA, bez glasova PROTIV i 3 glasa UZDRŽAN i Rješenje o utvrđivanju prava vlasništva u korist Refika Kovača, sa istim brojem glasova.

Predsjedavajući je u svoje lično i ime Općinskog vijeća čestitao nastupajući Međunarodni praznik rada – 1.maj svim građanima i građankama Općine Kakanj.

Sjednica se završila u 11:30.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Emir Zaimović

**PREDSJEDAVAJUĆI
OPĆINSKOG VIJEĆA**
Slaven Katičić